

佛 心 经

【唐】 三藏菩提流志 奉 诏译

《佛心经》 卷下

心密之家 2022 年 5 月排版



| 以禅为体 以密为用 以净土为归 |

目 录

佛心中心印品中 卷下（法别）	1
法身妙明品第九	1
如来量处品第十	4
顿超觉地品第十一	7
心法无著品第十二	13
佛心相貌品第十三	23
随求自在品第十四	28
神用无尽品第十五	30
如法受持品第十六	37

佛心中心印品中 卷下（法别）

法身妙明品第九

尔时阿难处大众中潜然忧愁。于其中间诸有经律一切藏门俱然掩闭。诸大金刚及诸菩萨一切所有灵祇游世界者。乃至诸大龙神仙众及百千万亿世界四天王等乃至释梵诸天悉皆迷闷。顿失精光。唯有诸佛能知广大因起。各各安坐皆自于身及心放微细光自相慰问。

尔时毗卢遮那如来复于身分更开异色无量威德大端严光。其光普照乃至有罪无罪等如是众生。皆得无怖。复于光中演说微细音声告诸佛言：诸大圣众此威光难知此威光难测。唯有大圣与我力等。与我心等。与我慈等。与我悲等。与我解等。与我知等。与我辨等。乃至世界所有知量能尽知者即能知此光明所谓因缘而得种种知见。

尔时阿难于其闷中。心有少省。强而意持。即起问毗卢遮那言：世尊！其此光者。唯说诸佛耶。

佛言：是。善男子。唯佛能知。虽有菩萨未同佛见。

其时阿难前礼佛足。五体投地。眼中垂泪。以偈问
曰：

世界有菩萨。现身得为佛。

世界有菩萨。能化无边身。

世界有菩萨。能知佛所知。

世界有菩萨。能解众生缚。

世界有菩萨。遍入诸佛刹。

世界有菩萨。种种示方便。

世界有菩萨。堪忍入诸苦。

世界有菩萨。摄众于己身。

如是诸菩萨。皆是灌顶主。

示同诸佛身。应念现诸境。

神通波罗蜜。其实不思議。

能于急难中。无畏大自在。

我观如是等。与佛亦无异。

若具受持者。同佛不思議。

诵持佛法藏。一一皆遍了。

即此法云顶。皆是满足位。

云何此人等。不知此因缘。

若此不知者。下愚何能了。

尔时毗卢遮那佛于光明中出。大音声叹阿难言：善哉佛子：以是等菩萨虽有大慈。慈不遍故。所以不知。虽有大悲。悲不遍故。所以不知。虽有大忍。忍不遍故。所以不知。虽有大通。通亦不遍。虽有力。力亦不遍。虽有示现。示现不遍。虽有无碍。无碍不遍。如是不遍一一菩

萨皆悉有之。若得遍者。了见佛性。即能知我此事。佛性犹故未了。云何能知如来量处。

阿难白佛言：世尊！如是菩萨犹故不知一切众生。云何得解此理。

佛言：汝我此亲承。第七佛释迦牟尼次当宣说。一切众生自然得了能奉持者。一切众生自然得解我之所说。

如来量处品第十

尔时阿难即问。释迦牟尼佛言：世尊！此事云何。我自亲承供养。已经劫数。唯愿为我示现及诸法要。我欲修行流注众生心际。

尔时如来告阿难言：阿难！我今示现如是神力。汝等递相告语慎勿惊怖。

阿难即受如来语。告大众言：大众当知。大众当知高声三告。其时阿难不觉身腾。处虚空中。大众仰观见阿难

身。谓是阿难得无碍通。其时音声遍至阿迦尼咤天所有世界尽皆知闻。阿难白佛言：世尊！遍告已讫。唯愿示现。

尔时世尊即以四十齿俱时齐密。入慈愍定。计念心中心咒。作是念已。复以右手中指指于南方。以足大指案¹于地。其时所有世界及非世界所有地狱涌出虚空。复于上方世界所有诸雨雨宝莲华破此地狱。其时世界无有一人受诸苦者。秽恶都尽。俱得法眼见于如来。复有示现一切世界诸大药叉及罗刹王。护²梵帝释四天王等。一切饿鬼及阿修罗王如是之身。皆得神通。所谓通者。善通慈愍。普覆众生如佛无异。复有大通于虚空中雨微细雨。所有一切起愿求者。皆得满足。纓重疾病。承此闻力。皆得除差。饿者饱满。热者清凉。复有大通。遍十方界。所有众生。当尔之时一一皆论说佛心地复有大通。若有众生在母腹者。处胎孕者。为儿者。即能忆识过去心地。知所生处本所经事。并能记持。复有大通。十方世界诸恶灾毒永劫不

¹案=按

²护=诸

起。复有大通其通光明遍十方界。一一界量是佛及诸菩萨乃至声闻四果等类。俱得明见。无有疑滞。俱时皆能明遍三界。尽诸苦际。同佛寿劫。复有大通。其通光明。现五种色。一一色中五百万亿那由他殍伽沙化佛俱将眷属大菩萨众升空而来。所³是眷属皆能论说佛心中心所有法要。即自明解。复有大通。其通光明遍十方刹。其时大地动摇三十六遍。星宿日月应时堕落遍于八方所有魔及魔民皆舍魔业。退其威神。即得佛通。佛通已俱。能忆识本所受业。即生悔恨。求哀忏悔。自求出家。无有一人心不定者。

佛告诸善男子。其此通光遍十方界。有大威德三明六通。具八解脱如法修者。直至佛身更无异身。何以故。以诸佛心同时证故。以诸如来同印可故。我卢遮那者是佛母常于此中自住持故。所有愿求自印可故。自满愿故。自观察故。自与一切为灌顶师所有学者自来证故。能知佛心者广遣诸天来供养故。令诸金刚藏王密迹菩萨为绝灾变常覆

³所=此

阴故。又遣一切诸天不可识者求围绕故。乃至世界所有化形者。变形者。种种伏匿者。潜隐世间者常来护卫故。上至释梵诸天药叉天众来从伏故。四海跋陀鬼子魔母。恶鬼药叉等一切非人。乃至如是等众。无不顺伏者。必当如法依我佛心取佛心法。必当证效。更无异法而能成我此心事者。

顿超觉地品第十一

尔时阿难白佛言：世尊！如此心法。佛自依持。以大神通即得如法也。乃诸菩萨金刚久处佛行。亦至佛所。即能学佛坚固住决定不退。得菩提证。如诸下愚欲乐求者。云何得至。佛力广大。威德玄旷。志行深邃。住大忍力。然始得成。今者云何欲令众生修学此法。云何得如法。云何证验。云何能了见众生心事。当见之时。有何法则得辨邪正。复有何法令诸魔王等一切诸大恶王。诸余变怪即自调伏。复有何法立证佛心。我闻契经所说。久受勤苦。具修诸度。犹未即证。我今不知所趣。唯愿为我解说一切所有法要。证验成佛及世间所知。

佛赞阿难：善哉！善哉！汝欲知者。听受思惟。我今当说阿难：其此佛身⁴。世间有谁能识。有谁自知。有谁行行一无差失。有谁能知尽生死际。实无有知。唯佛与佛能知此事。阿难！我此心咒。但行慈悲。日持千遍。得满千日。佛力自成。所作自成。十地愿力不能回也。复有一法。欲知验者。持十万遍外。含一口水。心诵百遍。应有所作。以水嚩之。诸苦除灭。若得除者。必定大验。持至百万遍。嚩山得倒。众罪得灭。诸有灾疫鄣即灭于世间作不祥者。于晨朝日嚩一口水。得满三日。灾疫即灭。能护大千世界地及虚空。欲定邪正者。取一铜镜。无问大小。咒经万遍。持行乃至邪正。必定决了。若欲知此心。彼心。诸佛心。菩萨心。金刚心。诸天心。四果圣人心。四海龙藏心及龙王心。天王心。日月星宿心。药叉罗刹心。一切鬼神王乃至世间隐形伏匿心。及世间众生心。并知所缘之处。案⁵《法华经》庄严六根功德从此而生。佛子必

⁴身=心

⁵案=按

定。凡夫必定。菩萨必定。金刚必定。能作此法。余无能者。

阿难复白佛言：世尊！如修此法。有何坛界。有何药木。有何供养。有何香花。有何彩色。有何知识。用何处所。请具说之。

佛告阿难：汝为颠倒。为是正问。若是正问。即此颠倒。若正者。不应问此如来心从色生。邪执法。像法。事法。我都不为。唯有心法至心实际。阿难无有一法攀缘。至如来处。心无异境。唯一是实。阿难。若一切事法能作佛者。何不于事放大光明于身心。若于身心。当知事法一无事立。何以故。我昔凡夫时。往尼伽罗山。见诸咒仙作种种法。我于彼时近得此咒才经七日。其诸咒仙不识我身。为此。恶人作种种恶术欲降伏于我。尽其神力以经七日。殊无所获。唯自焦枯。我时怜念。即语诸仙。当知如汝力者。纵尽大劫。不能害我。若害得者。无有是处。诸仙齐来即语我言：汝得他心智耶。知我有害。我即告言：我得诸仙。问言：既是得者。我有何害。我即告言：汝等

并隈平章。此是恶人。宜作某法。在并隈处作彼人形。以刀刻之。其人即死。不复前进。传说我辈。其时诸仙闻说此事。心即憔悴。即来顶礼于我。复问我言：圣者：云何知耶。我即答言：仙众汝等是妄。我即是真。汝即是邪。我即是正。汝即见有。我即见空。汝即是枝叶。我即是根本。汝即是虚。我即是实。汝即是谄佞。我即是直信。汝之有法。从我而生。云何儿子。反害父母。岂有枝叶相害于根。岂有虚伪害得真实。岂有萤火害得日光。岂有微土能竭大流。岂有毒药气。能破甘露味。岂有罗刹损得佛身。岂有蚊子撼须弥山。尔时诸仙闻我此语。心生嗔怒。共我角力。以诸星术怖胁于我。我时须臾忆念定即在心。以气嘘天。诵咒七遍。黑云遍空。星宿不现日月无光。我复吹地。其地动摇不安。经七日。我复以心召唤十方佛。十方同时来至我顶。应时我身边所有与我同类。唯我能知。诸佛亦不觉。我复以眼视于十方。其时仙众惶怖无计。求哀顶礼。依附于我。复重忏悔。唯愿救护。令我无畏。我即以佛心观之。即得无畏。即于我所受佛中心法便得神通。阿难我此心法与十方所有诸恶心法为主。若人

求一切事法及非事法是世谛法出世谛法。不依我此心法。
别得神通者。无有是处。

尔时阿难复问佛言：如上所说。有定印者。其印如何。愿为宣说定印轨则。

佛告阿难：善听。先以结跏趺坐。念我心咒一七遍呪手。然结定印。先仰左手搭于交脚。即以右手仰安左手上。以十指与腕骨齐。以右手中指捻大指上文成。若人诵咒一百八遍。三度踊身。乃至地下虚空。及三十三天皆悉抚心生善。一切诸大恶王能害人者。能障道者。皆使念佛。令不谤佛。令诸众生得佛菩萨永不退转。识宿命智。如来常以此印召慕有缘。令其大地三十六种震动者。常用此印。此印功力不可具说。所有持者但自知之。

尔时阿难白佛言：世尊！如来所持能如是。其未得佛心者。云何持耶。我见诸药或香或臭。我见诸水或浊或清。我见日月或明或暗。我见所修或凡或圣。或佛或魔。或想或像。或有或无。或安或危。或是或非。如上事者。乃有无量先后（不）定境像。颠倒幻化不一。云何如来以

诸凡夫同佛持耶。若得佛持。一一佛业。若非佛持。即是魔业。云何如来以诸凡夫同一佛心。

佛言：阿难！善哉善哉！一切凡夫能受持戒。我此心者。实同我心。即同我力。若不得者。我受轮回六道生死。所说言教。并是虚妄。坠堕众生。当知我即是魔。非如来也。阿难汝当有疑。阿难汝更听我所说。若有众生能持此法。即如来心。如来心藏。此人守掌。当知此人即如来眼。所有瞻⁶脉与佛齐等。当知此人如是求⁷手掌上安置是人故。当知是人如来顶。如来顶上安置此人故。当知是人如来心。如来心藏付嘱是人故。善男子。当知是人如来依。久远过去诸佛依护此人广救世谛故。当知此人即是佛树。即是佛日永劫不灭。当知此人是佛金刚山也。假使世界千万亿恒河沙数诸恶灾祥同时出现大地。倾覆一切山河大海。目真邻陀山。铁围山。大铁围山及十宝山一时倾覆。龙藏浩沸。天地变灭。星宿堕落。众生都尽。此

⁶瞻=胆（胆的繁体字）

⁷求，疑为“手”字

人不畏灭没破坏。无有一切诸恶能得其便。何以故。佛日护故。于佛衣下自藏隐故。菩萨盖中自安身故。一切金刚得佛所敕卫此人故。一切所有自恭敬故。若常持者。当知此人必得佛身不错谬故。阿难若有众生持我此法不得佛者。我即退位入阿毗狱更无寿生。

心法无著品第十二

佛誓以⁸一切众生及阿难身遍体血流。大地坏裂。日月不现。星宿隐没。其时为阿难有疑心故。现如是事。尔时阿难唯身及心莫知所守。其时如来见阿难心悔。即为阿难说除疑偈：

诸佛境界中。小根所不及。

久远诸佛语。菩萨不能知。

诸佛神通中。是境见非境。

⁸以=已

久远诸如来。同我此一心。

此心非诸心。此心即是佛。

若行此心事。无不离世间。

过去诸佛心。未来及现在。

中及菩萨等。及于诸天身。

下愚凡夫类。能持我此心。

速证无生忍。更不住世间。

菩萨声闻众。及余四果等。

上及于诸佛。无不由是生。

持戒得圆满。信施有得报。

存念常不退。在在所生处。

常喜得逢迎。所说诸言教。

皆是佛心智。念念得果报。

皆亦由是生。

一一诸如来。说量无穷尽。

一一佛神力。复有无量方。

一一方面中。复有无量佛。

一一佛神足。皆从佛心起。

一一佛心中。摄入心中心。

如此心中心。说佛不可说。

一一不可说。斯亦由是生。

世间非世间。出世非出世。

善巧诸方便。言说诸记论。

秘密陀罗尼。他心自在定。

过去现在智。未来得成果。

斯亦由是生。

魔王转轮王。梵天自在等。

一切诸有力。从佛心所转。

邪术与正印。见闻即辨了。

如是圣心力。广达众境界。

斯亦由是生。

如来印众道。降魔度非人。

神变及自在。视入诸非境。

为众断苦缚。震动诸世界。

视入一缘中。大慈满十方。

斯亦由是生。

一切众生类。种诸福业等。

成熟不成熟。他心自在智。

决了所生地。一一遍十方。

一切诸众生。闻音皆信佛。

是广长舌相。斯亦由是生。

十方诸国土。天上及下方。

乃至万刹土。一一刹土中。

皆有万世界。众生不可量。

闻音皆信佛。如是舌相等。

斯亦由是生。

光音遍净天。或及非世界。

有形无形等。俱能含佛性。

有流及无光。虚空影响类。

堕形中爰中。承佛即归念。

不信及阐提。斯法不断等。

俱得因缘者。如是诸众生。

承光得离世。此亦由是生。

下愚凡夫等。能持佛心咒。

即同佛心地。具六波罗蜜。

当获大神通。遍照诸佛界。

即具六神通。所说如诸佛。

举足及下足。皆得大神变。

是语及非语。问⁹悉一音同。

⁹ 问=皆

纵是佛非身。所说佛正智。

凡夫及圣行。发念等菩提。

一切果位中。皆是佛心力。

佛告阿难：我此句偈如虚空花。以佛神力即便住虚空中成菩萨盖。其此盖下复有百亿殑伽沙那庾多不可说不可说世界无边量化佛。复有如是不可说量法身佛。复有不可说量报身佛。一一眷属皆是菩萨唱导之首。复有不可说量菩萨。一一菩萨复有无量眷属。皆是人中唱导之师。皆是三地四地及八地等而共围绕。如是等佛及菩萨声闻缘觉四果圣人一切诸天仙无量世界四天王。梵王帝释及阿修罗及一切罗刹夜叉鬼神众。一切大威德者。大神通者。大护念者。大慈悲者。大自在者。皆共围绕此盖。持心不退。受佛心中心法。

其时即有大不可说不可说数地神各持一千叶莲华承此如上持咒人足。游腾十方现光明身。其光皆现紫磨黄金色。一一众生见此光者。即断有流。得入佛定。即见大千

世界所起因缘。所作事业皆悉明了。无不获果。其时阿难以偈叹佛：

善哉我师释迦文。一音遍了大千界。

以一微音度脱了。众生身分不觉知。

善哉如来自在光。是臭非臭皆照触。

自心涌出甘露水。灌洗得净不觉知。

善哉无畏自在心。能以无畏怖诸虎。

野象毒龙皆自伏。自然生慈不觉知。

善哉无畏神通王。出语大千皆震动。

动以自然来归伏。伏以其心不觉知。

善哉无量慈悲心。能以慈悲流诸趣。

一切德慈修佛法。所修慈者不觉知。

善哉无量善藏王。广付善哉与众生。

所持善者得善定。持善之人不觉知。

善哉无量宝幢王。将此幢光阴世界。

众生蒙咒脱苦缚。得离苦者不觉知。

善哉无量大法树。能与大千作阴凉。

所有住阴离热恼。得离恼者不觉知。

善哉无量大法镜。照破一切黑冥暗。

得明心中出智慧。具智慧者不觉知。

善哉如来一音声。所闻持者得一味。

如是一味遍众生。尔乃名为大慈悲。

我今下愚凡夫智。若欲叹佛无穷尽。

具以微心少叹耳。愿佛慈悲纳受之。

尔时阿难偈叹佛以¹⁰白佛言：世尊！我今愚浅。虽以叹佛。佛神德故。我不能宣。世尊！如是因缘。如是神力。如是自在。如是决定。我未闻见。如来因何今乃说尔。如来久知众生根性浅深。皆不等学。何故昔时不说。此智普及众生而令有来往耶。

佛告阿难。我此心中心常于我前。我未出世。此心出世。我未受生。此心受生。我未得定。此心先定。如是定慧力是佛住处。是佛行处。是佛定处。佛思惟处。佛觉悟处。佛行道处。佛决定处。阿难一切菩萨金刚。诸天下凡夫。诸余神鬼。夜叉罗刹。星宿诸天幻术魔王。如是等能行我心即得我通。若不行我此心法者。欲贪我通。无有是处。

¹⁰以=已

佛心相貌品第十三

阿难白佛言：世尊！如来心十地菩萨犹不能知。纵有知者。从佛退位然始知之。今众生欲修皆是下浅而心不了。愿决相貌。

佛告阿难：我与汝说心中心相貌不离一切众生。有十二种心是佛心中事。何者是耶。

一者自身相苦而不辞苦。自心处苦而见一切众生受非苦时。念念称说大悲愍生决定心。自心不见苦。于法无所得。能见众生苦救护以命彻到得出离者。是名第一心。

二者观一切苦如现前想而不动转。观一切苦。作不定想。自身有苦。如入三昧想。有诸恼乱来相及者。作入四禅想。一切怨家本作父母想。欲救诸苦。观此苦人如孝顺子向父母想。是名第二心。

三者将自心事同他心行。将他心事同自心行。乃至一切身分与己身分等。一切所欲与己所欲等。一切邪心与正

相等。世间一切法宝重如己命等。世间三光如己眼光等乃至所有食饮妙药差身病等。是名第三心。

四者于佛念处作成佛想。我当住持常不舍如毗沙门王掌舍利塔。如十金刚藏共持一金刚珠。如十世界跋折罗神共持一跋折罗杵。如十世界观一日光亦如十方众生同一世界。是名第四心。

五者能于诸佛一言句辩论。一一说法。一一法树。一一印契一一神通及大小力用而¹¹叹己身于法堪作下劣想。一一思惟不入睡眠。决定生心为大千界。是信非信但无所损。是名第五心。若能如是者。即得五眼。清净明见世界。

六者于六度中摄诸心入慈定门摄毗那夜迦为六种善知识。第一毗那夜迦名为无喜。此人来时令人心中喜怒不定。多行杀法。师即以麝提波罗蜜摄入慈忍定作慈忍王。第二毗那夜迦名为幻惑。此人来时心所动乱。令人不定。

¹¹而=不

于众法中亦不印受。于动乱时即以禅波罗蜜摄入。号为不动智。第三毗那夜迦。名为妄说。此人来时多喜。于绮言中生决定心。于诳语中生直信。于清净中生贪欲心。生染污心。令人颠倒。即以尸罗波罗蜜摄入。号为善巧方便主。即令此人无所能为。第四毗那夜迦名为执缚。此人来时即令行者翻礼魔王。其此毗那夜迦常与一切魔王共为伴侣。所以现魔大身令归依摄入信心转动惑乱。既觉知己。即以毗梨耶波罗蜜摄。号名为大方便王。第五毗那夜迦名为可意。此人来时令人希望心成就。专行劫剥。广求财物。将为粗用。先以财心。后乃方施其人。常与饿鬼王居野令此人常无厌足。无厌足已。此一切法力俱失。即以檀波罗蜜所摄。号为大施主王。从此摄已。贪心亦尽。第六毗那夜迦。名为作伪。其人来时纯辨非法不得正智多见过患。妄生法相。无利求利。广行异说为众导首。于正法中起谤法心。即以般若波罗蜜所摄。号为智慧藏王。复有毗那夜迦名为断修。此人来时一切念心俱时都尽。昏昏重睡。复生众病。发动外魔为作内障。令人怖惧多起妄见。

念异法想。如是诸想即以无畏所摄。但行大悲。愿为眷属。其人即自臣伏得臣伏已物非呵责。是为第六（心）。

七者于七菩提分我常勤求。所修功德常施一切。摄一切众生苦我身待受。令一切得见闻觉知令一切众生去离魔境。是名第七心。

八者于八圣道中常无厌足。常生十信。存十善行。不说非人过。不自赞。不毁他。无想施不望报。常行施。誓持法。无疲厌如愿教行不失本心。是名第八心。

九者不欺众不嫌法。不我慢。不增上。不执着。不诳他。常行质直。所修行愿。一一记持。佛及僧宝接足承事。所礼尊像不轻慢礼。一一如法。是名第九心。

十者须存十信具足。一者知¹²佛常住。在世有大神通。二者信法深远具大方便力。有决定力。三者信佛慈愍广施法要。拔济众苦。¹³五者信佛于五垢中常现慈光。六

¹² 知=信

¹³ 此处缺“四者”文字

者信佛于六贼中如父母！七者信佛于七孔常出佛音。八者信佛于六十二见无爱憎想。九者信佛于五浊世常度众生。说无碍心无有边际。十者信佛菩萨及诸金刚常现神力。能化众生一一成佛。若如是者名第十心。

第十一心者于诸法中一切言论义辨慎勿自赞。不赞己善。不近豪贵。不舍众善。深观菩萨如在目前。一切怖惧渐自降摄章佛菩萨自然除尽¹⁴。是名第十一心。

第十二心者。深观自身若有少慢。自当加持。若有怠惰。自当舍身。若有粗横。舍豪贵友。若有多慢。自须调伏。若有多诳。观利刀境。若有多贪。执火而居。若有多欲。当观臭肉。若行污秽。先观牢狱。若能如是者是佛心中心法。决定佛心。更无疑也。是名第十二心。

尔时阿难白佛言：世尊！如佛心中心直是佛境界耶。及众生境界耶。若有众生境界同此十二心者。此心非众生

¹⁴ 章=障

行处。若众生行得如上事。即无有疑。云何众生能行此心。

佛告阿难：但自持之十方冥证。非汝所测。汝若能测。何名佛心中心耶。

随求自在品第十四

尔时阿难复白佛言：世尊！如是法契言不虚妄。今欲所问佛当许不。

佛言：汝欲何问。任汝所言。

阿难问佛言：世尊！其有众生欲求脱苦。欲求降魔。欲求摄持。为有余法。为用心中心耶。若用此心中心未见法则。

佛告阿难。汝欲知法善听。复当为汝更说随心陀罗尼。即说咒曰：

唵摩尼达哩吽泮咤(又一本呜吽摩勿驮唎(二)虎吽
(二合二)泮咤[口特]音。又一本唵摩勿达哩吽泮咤)

若受持者。不须择日。不择星宿日月。不问齋与不齋¹⁵。于如来前。或于像前。或于净室。或舍利塔前随心所持香花。尽心供养。于白月十五日洗浴清浄着新净衣。随力所办供养。为护法故。须三种白食。作一方坛。随心作之。幡灯随力办。诵心中心及随心咒。各一千八十遍。于像足下便取睡眠。于晨朝时如来即为现身。及圣者金刚亦为现身。十方菩萨诸天即来围绕。一切行愿皆悉满足。若身自知犯触及有诸罪诵至万遍。自得现佛清浄光明之身。乃至一切诸法但诵百万遍。无(不)尽知无有别持之法。若有一切难伏怖畏之像能怖人者。但以右手中指屈入掌中。以大指押中指节上。阴诵随心咒。不过百遍。自然降伏。毒害火灾。以气吹之。自然除灭。难灭能灭。难除能除。若有一切障难之事。但以二手合掌。以头指无名指掌中相钩。小指大指中指掌中相着合。面向四方各诵一百八

¹⁵齋，疑为“斋”字

遍。罪垢消除。障难并尽。若有上毗那夜迦。欲令降伏者。应声降伏。不伏者。以右脚大母指按地诵咒百八遍。其时毗那夜迦七孔流血。自然降伏。十方世界所有通虚及持咒仙及四跋陀及八龙藏界所有秘法。一切诸有情类应心呼召无不顺伏。唯除恶法不入此中。若欲所求诸天香供养者。仰面看天诵咒一百八遍。其香即下。若欲往十方佛刹菩萨境界。但以中指指天。呼摩醯首罗相随天处不入。临命终时。十方诸佛临顶自迎将己世界。欲求现身不死。必佛世界者。但诵至十亿遍即得。必此天地更不改颜。除不至心。若有至心不应此者。我即妄语。所有经教并是魔说。非佛说之。

神用无尽品第十五

复有一法。欲求钱财者。取一熟钱开字当中节密咒一百八遍即展指。指彼人心。其人开意。任意多少。口道即随。若欲招呼臣公主妃后。诸宰贵者。但取美香一颗。抄彼人名内相指下。咒一千八十遍。即自奔来。若须谷麦。取所须者三颗。复安中指下。依前作法。即得称心。若欲

令一切欢喜者。屈中指入口咒一百八遍。将指指前人。随顺不逆。悉皆欢喜。

复有一法。欲召诸龙。但取井水一碗咒经一千遍。写着有龙水中。其龙自来从伏敬事。

复有一法。若天无雨。取龙脑及井水一碗咒经一千遍。置于日中。即白龙从碗而出。应时雨下。若雨多时。取金色赤土。于纸上画作一龙。咒一千八十遍放着井中。即有赤龙腾天。应时即止。

复有一法。谷麦一切苗稼不滋茂者。蘇¹⁶一斤咒一千遍。随风烧一切皆悉润随时成就。

复有一法。若世间疾病流行者于赤纸上画取慧星形咒一千八十遍。其病即除。其星形有六个小星合成一星。如木揭形。

¹⁶蘇=酥

复有一法。若国家刀兵烧乱。四边不宁。取一宾¹⁷刀子咒一千遍随方所指即现神兵无亿。世界所有外难自然退散。

复有一法。若习一切伎艺文笔工巧。内绝外曲。尽世幻术及佛菩萨金刚所行之处。所缘境界者。每日晨朝持千遍。经一百日无不尽知。

复有一法。若欲得海龙王宝。诸佛如来所付龙藏要记者。但烧五种香。所谓檀。沉。熏陆及龙脑。毕力迦等。于夜静时诵咒。面向四方各诵一千八十遍。其时即有四方龙王所主藏物即自奉送。

复有一法。若须地藏中宝所修功德。但言我要此宝修营如是功德。以足踏地诵咒一千遍。其时十方地神发世诸物来送行人供其所用。若为名利恶用即不果遂。

复有一法。若一切人相憎者。取五木花咒一百八遍。书其佛字各付一本。即自和敬。永不相憎。

¹⁷宾=铍

复有一法。若人先持一切法无功效者。但取自身所著上盖衣咒经千遍与佛敷坐。满其七日。即取将著或复持行持法要即有效验。一切菩萨及金刚藏自然臣伏。驱策迅速。所索无滞。

复有一法。若有病疫劫起流行。取七味毒药。所谓乌头。附子。狼毒。芭豆。虎珀。光明沙。龙脑香。肉豆蔻。貪¹⁸来咒一千遍。以水渍之。取水洒病者身。无病不除。若有率跛。咒刀一千遍将指患处。应时舒展。永劫不加。尽报无病。

佛告阿难。若我说此法要穷劫不尽。所有所求者。依我上法求之。无不果遂。诸有所作一切事业。无问大小。尽皆成就。满足无缺。若能常持。直至菩萨得不退转。若能日日作此法者。持此心者。能与世间作大树王荫诸众生得离诸苦。能令一切皆得佛心。一切众生得不退者。皆犹此人持诵威力。

¹⁸貪，疑为“賁”字

尔时如来说咒法及功能已。一切菩萨及诸金刚天仙身光悉不现。惟有佛光遍阎浮提。其时诸天住虚空中自然回转。一切魔宫倾¹⁹覆。须臾之间散灭无余。乃至大地六反震动。其时十方世界所有菩萨持诸花幢供养释迦牟尼佛。其诸花中所有音声皆说佛心中事。诸佛心中应现随心所用不可思议。所持花香皆不可说。亦现不可说音声。所说²⁰神力皆亦不可说。其诸菩萨以佛心中心力。亦不可说变现。其时十方菩萨见佛光明遍阎浮提。各于心藏以偈叹佛：

善哉此光明。是佛心中力。

魔王虽睹见。散灭无形身。

善哉此光明。是佛无碍力。

魔王自殄灭。十方菩萨来。

¹⁹顾，疑为“倾”字

²⁰说=现

善哉此光明。是佛随心力。

其力及菩萨。次及凡夫身。

婆馱婆楼那。鬼子及神母。

诸天夜叉众。同时来供养。

一切金刚众。及与自在天。

香积诸梵王。皆悉来归依。

一切诸星宿。风火电嫚神。

四天龙藏等。持花来供养。

四维上下界。虚空及水际。

横流于十方。皆叹心中心。

如来心中心。尽劫说不尽。

假使百千海。不与一毫等。

假使千世界。不及七毛端。

满足萨婆若。不及佛心际。

我等广修愿。已经无量劫。

所有诸如来²¹。未悟心中心。

如来心中心。唯佛乃能了。

菩萨虽赞叹。不及一毛光。

十方现化事。皆是心中心。

乃至有顶。亦是随心生。

诸佛说随心。我亦随心学。

我既修学已。愿佛存记之。

若得随心成。俱时成正觉。

²¹如来，疑为“菩萨”

如法受持品第十六

尔时大众闻佛所说。一一合掌持佛心中心。如来见即以舒金色臂普为印顶授菩萨记。其时大众得佛授记。欢喜奉修。礼佛而去。